

采菽堂古詩選

采菽堂古詩選卷之二十二目次

梁一

郊廟歌辭

雅樂歌十一首

皇雅三曲

滌雅一曲

牲雅一曲

誠雅三曲

獻雅一曲

禋雅二曲

燕射歌辭

三朝雅樂歌九首

介雅一曲

需雅八曲

武帝

臨高臺

雍臺

子夜歌

子夜春歌二首

子夜夏歌四首

子夜秋歌四首

子夜冬歌三首

碧玉歌

白紵辭二章

河中之水歌

逸民

直石頭

登北顧樓

撰孔子正言竟述懷詩

遊鍾山大愛敬寺

代蘇屬國婦

擣衣

織婦

詠燭

昭明太子

和武帝遊鍾山大愛敬寺

開善寺法會

元圃講

晚春

簡文帝

京洛篇

櫂歌行

美女篇

茱萸女

棗下何纂纂

折楊柳

洛陽道

豔歌曲

採蓮曲

北渚

蜀道難

採菱曲

夜夜曲二首

烏棲曲四章

東飛伯勞歌二首

隴西行

江南曲

採蓮曲

侍遊新亭應令

奉和登北顧樓

玩漢水

贈張纘

餞臨海太守劉孝儀蜀郡太守劉孝勝

仙客

往虎窟山寺

望同泰寺浮圖

蒙華林園戒詩

旦出興業寺講詩 和徐錄事見內人作臥具

戲贈飛人

秋閨夜思

詠內人晝眠

詠舞

戲作謝惠連體十三韻

守東華門開

喜疾瘳

晚景納涼

元圃寒夕

送別

秋夜

金閨思

詠藤

詠單鳧

蜂

詠籠燈

壞橋

和蕭侍中子顯春別三首

夜望單飛雁
春情

傷離新體

元帝

驄馬驅

烏棲曲四章

赴荊州泊三江口

和王僧辯從軍

藥名詩

望江中月影

夜宿栢齋

和劉上黃春日

和林下作妓應令

五言詩

遺武陵王詩

詠螢次

春別應令四首

邵陵王綸

入茅山尋桓清遠題壁

采菽堂古詩選

卷之二十二

虎林陳祚明龍倩父評選

梁一

郊廟歌辭

郊祀歌歷代皆謬作莊語重滯不足觀梁六雅差有作意佳者典切生動次亦

條暢出於休文固自不同

雅樂歌十一首

沈約

皇雅三曲

皇帝出入宋孝建起居注奏永至至是改爲皇雅取詩皇矣上帝臨

下有赫也二郊太廟同用

帝德寶廣運車書靡不賓執瑁朝羣后垂旒御百神

八荒重譯至萬國婉來親

婉字佳

其二

華蓋拂紫微勾陳繞太一容裔被緹組參差羅罕畢

星回昭以爛天行徐且謐

句意流宕

其三

清蹕朝萬寓端冕臨正陽青絢黃金纓袞衣文繡裳
旣散華蟲采復流日月光

端亮

滌雅一曲

牲出入朱元微儀注奏引牲至是改爲滌雅取禮記帝牛必在滌三

月也二郊明

堂太廟同用

將修盛禮其儀孔熾有膋斯牲國門是置不黎不瘠
靡衍靡忌呈肌獻體永言昭享俯休皇德仰綏靈志

百福具膺嘉祥允洎駿奔伊在慶覃遐嗣有膺六句饒作意

牲雅一曲薦元血宋元徽三年儀注奏嘉薦至是以爲牲雅取春秋左氏傳牲

牲肥膺也二郊明堂太廟同用

反本興敬復古昭誠禮容宿設祀事孔明華俎待獻

崇碑麗牲充哉蘭握肅矣簪纓其脣既啓我豆既盈

庖丁游刃葛盧驗聲多祉攸集景福來并亦雅亦切我豆既盈

語生動取血何能雅至此

誠雅三曲降神及迎送宋元徽儀注奏昭夏至是改爲誠雅取尚書至誠感神

也

懷忽慌瞻浩蕩盡誠潔致虔想出杳冥降無象皇情

肅具僚仰人禮盛神途敞俊明靈申敬享感蒼極洞

元象

南郊降神用

其二

地德溥崑丘峻揚羽翟鼓應輅出尊祇展誠信招海

濱羅嶽鎮惟福祉咸昭晉

北郊迎神用

其三

我有明德馨非稷黍牲玉孔備嘉薦惟旅金懸宿設

和樂具舉禮達幽明敬行尊俎鐘鼓云送遐福是與

南北郊明堂太廟送神同用○並雅切無浮響其調爽亮純法漢人特不能縹緲耳

獻雅一曲

皇帝飲福酒宋元徽儀注奏嘉祚梁初改爲永祚至是改爲獻雅取

禮記祭統尸飲五洗玉爵獻卿今之福酒亦古獻之義也北郊明堂太廟同用

神宮肅肅天儀穆穆禮獻既同膺茲釐福我有馨明

無媿史祝

禋雅二曲

就燎位宋元徽儀注奏昭遠就埋位齊永明儀注奏隸幽至是燎埋

俱奏禋雅取周禮大宗伯以禮祀祀昊天上帝也

紫宮昭煥太乙微玄降臨下土尊高上天載陳珪幣

式備牲牷雲旒清引枸虞高懸俯昭象物仰致高烟

肅彼靈祉咸達皇虔

就燎用

其二

盛樂斯舉協徵調宮靈饗慶洽祉積化融八變有序

三獻已終坎牲瘞玉酬德報功振垂成呂投壤生風

道無虛致事由感通於皇盛烈比祚華嵩

就埋用

燕射歌辭

三朝雅樂歌九首

沈約

介雅一曲

上壽酒奏介雅取詩君子萬年介爾景福也三朝用之

百味既含馨六飲莫能尚玉壘信沉沉金卮頗搖漾

敬舉發天和祥祉流嘉貺

中二句生動

需雅八曲

食舉奏需雅取易曰雲上於天需君子以飲食宴樂也三朝用之

實體平心待和味庶羞百品多爲貴或鼎或鼐宜先

沸楚桂胡監芼芳卉加籩列俎彫且蔚

古典

五味九變兼六和令芳甘旨庶且多三危之露九期

一作貞

禾圖崇方丈燦星羅皇舉斯樂同山河

九州上腴非一族元芝碧樹壽華木終期采之不盈

掬用拂腥膻和九穀既甘且飫致遐福

期疑作朝

人欲所大味爲先興和致敬咸在旃錦鱗朱尾獻嘉
鮮紅毛綠翼墜輕翾臣拜稽首萬斯年

擊鐘以俟惟大國况乃御天流至德侑食斯舉揚盛
則其禮不僭儀不忒風猷所被深且塞

膳夫奉職獻芳滋不靡不夭咸以時調甘適苦別澠
溜其德不爽受福釐於焉逸豫永無期

備味斯饗惟至聖威降人神禮爲盛或風或雅流歌
詠負鼎言歸啓殷命悠悠四海同茲慶

道我六穗羅八珍洪鼎自饗匪勞薪荆包海物必來

陳滑甘滫瀡味和神以斯至德被無垠

言食似無可鋪張數章頗

典雅有致

武帝

姓蕭氏諱衍字叔達初仕齊遷隨王鎮西諮議參軍後廢東昏而自立四傳五十五年○

梁武詩篇多和易之音參濫厚之旨知其性情本鄰道境披文相質亦復宮祿咸調帝王之中可稱窳諳○梁武帝詩如雅琴微彈春容可聽

臨高臺

高臺半行雲望望高不極草樹無參差山河同一色

髣髴洛陽道道遠難別識玉階故情人情來共相憶
全在寫望遠景中綿綿高遐則相思之情自出

雍臺

日落登雍臺佳人殊未來綺窗蓮花掩網戶琉璃開
芊芊臨紫桂蔓延交青苔月沒光陰盡望子獨悠哉
六朝麗語必非肥重芊芊蔓延生致不少

子夜歌

梁武子夜諸曲並饒雅正之聲語溫厚而情深婉最爲妙作

朝日照綺窗光風動紈羅巧笑靨兩犀美目揚雙蛾
此歌二首並入子夜原詞次首微不同合韻可誦故載于此上首卽恃愛女欲進也○原詞窓作錢羅作素

子夜春歌二首

階上香入懷庭中花照眼春心一如此情來不可限

其二

花塢蝶雙飛柳堤鳥百舌不見佳人來徒勞心斷絕

二詩校

爲和雅

子夜夏歌四首

江南蓮花開紅光照碧水色同心復同藕異心無異

藝文載一首云江南蓮花水紅光復
碧色同絲有同藕異心無異藕亦佳

其二

閨中花如繡簾上露如珠欲知有所思停織復踟躕

語有
含蘊

其三

玉盤著朱李金杯盛白酒雖欲持自親復恐不甘口
用意
忠厚

其四

含桃落花日黃鳥營飛時君住馬已疲妾去蠶欲饑
子夜秋歌四首

繡帶合歡結錦衣連理文懷情入夜月含笑出朝雲
其二

七采紫金柱九華白玉梁但歌雲不去含吐有餘香

其三

吹漏未可停絃斷更當續俱作雙絲引共奏同心曲

其四

當信抱梁期莫聽迴風音鏡中兩人髻分明無兩心

子夜冬歌三首

寒閨動黻帳密筵重錦席賣眼拂長袖含笑畱上客

其二

別時鳥啼戶今晨雪滿墀過此君不返但恐綠鬢衰

其三

一年漏將盡萬里人未歸君志固有在妾軀乃無依

樂府不載○發
情止義備之矣

碧玉歌

杏梁日始照蕙席歡未極
碧玉奉金杯綠酒助花色
有致有

白紵辭二章

朱絲玉柱羅象筵飛瑄促節舞少年
短歌流目未肯
前含笑一轉私自憐

飄蕩

其二

纖腰嫋嫋不任衣嬌怨獨立特爲誰
赴曲君前未忍
歸上聲急調中心飛

河中之水歌

玉臺樂府作梁武帝藝文作古辭

河中之水向東流洛陽女兒名莫愁莫愁十三能織
綺十四採桑南陌頭十五嫁爲盧家婦十六生兒字
阿侯盧家蘭室桂爲梁中有鬱金蘇合香頭上金釵
十二行足下絲履五文章珊瑚挂鏡爛生光平頭奴
子擎一作提履箱人生富貴何所望恨不早嫁東家王
風華流麗調甚高古竟似漢魏人詞特結句稍近方便歸帝

逸民

如壘生木木有異心如林鳴鳥鳥有殊音如江遊魚
魚有浮沉巖巖山高湛湛水深車迹易見理相難尋

後四句高迴芝操之
遺音松壑之餘論

直石頭

率土皆王土安知全高尚東壘棄黍稷西遊入卿相
屬逢利建始投分參末將尺寸功未施河山賞已諒
攝官因時暇曳裾聊起望鬱盤地勢遠參差百雉壯
翠壁絳霄際丹樓青霞上夕池出濠渚朝雲生疊嶂
籠鳥易爲恩屠羊無飾讓泰階端且平海水本無浪
小臣何日歸頓轡從閒放

條暢盡情

登北顧樓

武帝大同十年三月幸京
城登北固樓更名北顧

歇駕止行警迴輿暫遊識清道巡丘壑緩步肆登陟

雁行上差池羊腸轉相逼歷覽窮天步矚矚盡地域
南城連地險北顧臨水側深潭下無底高岸長不測
舊嶼石若構新洲花如織

六朝詩往往散結無章法此舊嶼二句因雋

撰孔子正言竟述懷詩

隋志孔子正言二卷梁武帝撰

志學恥傳習弱冠闕師友愛悅夫子道正言思善誘
刪次起實沈殺青在建酉孤陋乏多聞獨學少擊叩
仲冬寒氣嚴霜風折細柳白水凝澗谿黃落散堆阜
康哉信股肱惟聖歸元首獨歎予一人端然無四友

凝重題入時序四語便不太板

遊鍾山大愛敬寺

曰予受塵縛未得畱蓋纏三有同永夜六道等長眠
才性乏方便智力非善權生住無停相剎那卽徂遷
歎逝比悠稔交臂乃奢年從流旣難反弱喪謂不然
二苦常追隨三毒自燒然貪癡養憂畏一作愛熱惱坐

焦煎道心理歸終信首故宜先駕言追善友回輿尋
勝緣而勢周大地縈帶極長川稜層疊嶂遠迤邐墜
道懸朝日照花林光風起香山飛鳥發差池出雲去
連綿落英分綺色墜露散珠圓當道蘭藿靡臨堦竹
便娟幽谷響嚶嚶石瀨鳴濺濺蘿短未中攬葛嫩不
任牽攀緣傍玉澗褰陟度金泉長途弘翠微香樓間

紫煙慧居超七淨梵住踰八禪始得展身敬方乃遂
心虔一道長死生有無離二邊何待空同右豈羨汾
陽前以我初覺意貽爾後來賢飯仰之誠首序便已
警切中寫入遊境秀
句稠疊由山川花草轉入香臺詩便儻逸多致結語
亦穩方乃遂心虔下原有四句太引禪語不入詩今
去之

代蘇屬國婦

良人如我期不謂當過時秋風忽送節白露凝前基
愴愴獨涼枕慙慙孤月帷忽聽西北雁似從東海潛
果銜萬里書中有生離辭胡羊久剽奪漢節故支持
帛上看未終臉下淚如絲空懷之死誓遠勞同穴詩

可爲子卿生妻解嘲言情自
正此後加一轉念便不可持

擣衣

駕言易水北送別河之陽沈思慘行鑣結夢在空牀
旣寤丹綠謬始知純素傷中州木葉下邊城應早霜
陰蟲日慘烈庭草復芸黃金風徂清夜明月懸洞房
嫋嫋同宮女助我理衣裳參差夕杵引哀怨砧揚
輕羅飛玉腕弱袖低紅妝制握斷金刀薰用如蘭芳
佳期久不歸持此寄寒鄉妾身誰與容思君苦入腸
宛宛苦思得性情之正沈思四語擣衣以前之心
州六句擣衣以前之境從容入題情緒曲至弱袖低
紅妝下原有朱顏自己與盼睇色增光擣以一匪石
文成雙鴛鴦四句興字不穩且此時入朱顏語無謂

一匪石字無理故去
之制捏二句有古意

織婦

送別出南軒離思沈幽室調梭輟寒夜鳴機罷秋日
良人在萬里誰與共成匹願得一迴光照此憂與疾

君情倘未忘妾心長自畢

饒古意結語得性情之正
久別不歸必以見忘爲怨

詩人忠厚之旨每謂未忘今又翻新立意更佳蓋相
思不已者以君或未忘也今妾已絕念矣君縱未忘
不敢萌乍歸之想矣言長
畢者正不能已之甚也

詠燭

堂中綺羅人席上歌舞兒待我光泛灩爲君照參差

蘭膏初泛光景
漸流此境殊活

昭明太子

諱統字德施武帝長子也生而聰睿讀書數行並下每遊宴祖道賦詩皆屬思

便成無所點易寬和客衆接引才俊喜文章聚書至三萬餘卷著述甚多年三十一薨○昭明

本以庸筆雖加
琢飾都無風致

和武帝遊鍾山大愛敬寺

唐遊薄汾水周載集瑤池豈若欽明后迴鸞驚嶺岐
神心鑒無相仁化育有爲以茲惠日照復見法雨垂
萬邦躋仁壽兆庶滌塵羈望雲雖可識日用豈能知
鴻名冠子姒德澤邁軒義班班仁獸集匹匹翔鳳儀
善遊茲勝地茲岳信靈奇嘉木互紛紜層峯鬱蔽虧
丹藤繞垂榦綠竹蔭清池舒華市長阪好鳥鳴喬枝

霏霏慶雲動靡靡祥風吹谷虛流鳳管野綠映丹麾
惟宮設塵外帳殿臨郊垂俯同南風作斯文良在斯
伊臣限監國卽事阻陪隨顧惟實庸非冲薄竟奚施
至理徒興羨終然類管窺上聖良善誘下愚慙不移
端雅得體起四句遂
永爲唐人應制之法

開善寺法會

棲鳥猶未翔命駕出山莊詰屈登馬嶺廻互入羊腸
稍看原藹藹漸見岫蒼蒼落星埋遠樹新霧起朝陽
陰池宿早雁寒風吹夜霜茲地信閒寂清曠惟道場
玉樹琉璃水羽帳鬱金牀紫柱珊瑚地神幢明月璫

牽蘿下石磴攀桂陟松梁澗斜日欲隱煙生樓半藏

千祀終何邁百代歸我皇神功照不極睿鏡湛無方

法輪明暗室

藝文作智日

慧海渡慈航塵根久未洗希霑

垂露光

寫境語多秀出稍看四句更清皎根首句來有法烟生樓半藏尖句却非唐調

玄圃講

白藏氣已暮玄英序方及稍覺蟄聲悽轉聞鳴雁急

穿池狀浩汗築峯形嶸岉肝雲緣宇陰晚景乘軒入

風來幔影轉霜流樹條濕林際素羽翔漪間蘋尾吸

試欲遊寶山庶攸信根立名利白巾談筆札劉王給

茲樂踰笙磬寧止消涓邑

疑作倡悒

雖娛慧有三終寡聞

知十

寫玄圖景色楚楚風來二句更生動蒼韻押語自然結句是康樂用經語法故雋

晚春

此詩玉臺藝文並作簡文昭明集亦載之然語殊不類也

紫蘭初葉滿黃鶯弄始稀石蹲還似獸蘿長更勝衣

水曲文魚聚林暝雅鳥飛渚蒲變新節巖桐長舊圍

風花落未已山齋開夜扉

雋致可挹風花開扉此境佳絕

簡文帝

諱綱字世績武帝第三子也賦詩傷輕靡時號宮體初封晉安王雲麾將軍丹陽尹

歷兖荆南徐雍益五州刺史昭明太子薨立為

皇太子及嗣位之後侯景制命逾年遇弑○晉

宋以來古風未泯齊梁作者漸即穠華然觀梁

武昭明尚是雅音纖麗不極至於簡文半為閨

闈之篇多寫妖淫之意縱綠情即景賦物訓人

非刻畫鶯花卽鋪張客服辭矜藻續旨乏清遙

於是漢魏前型蕩然掃地爰逮陳隋效倣狎客

承流六朝之體始分風雅之林迥異後世高論

性情之家視此若鄭聲之宜放卽在講求聲律
之子亦以此等節後之無譏然要而思之有足
論者夫咏歌之道豈必存質去文毛詩託興多
綠草木楚辭志感並列香葩偕老之篇并珈侈
麗小戎之什車服楊華但章句間施運以情旨
未有天懷本薄縉采徒施者梁陳之詩匪病其
辭病其無意在篇咸琢靡句不雕起結罕獨會
之情中間鮮貫串之旨梁珠積翠不被玉膚豈
知天帝之容本貴清楊之貌此其所失也又麗
采所矜尚其大雅夫紫磨之金燭銀之錫非不
燦然也然商周彝鼎光色更殊者年古質高有
渾然之氣卽如西京樂府亦擅風華子侯妖嬈
廬江小婦陸離繁豔詎不蟬連而章法因仍清
機徐引及其措語黼黻天成撲在藻中渾餘詞
外六朝雕鏤填砌枝駢摘句揣音判殊古調此
氣格之異又其一端也至于低徊以取媚纖雋
以生姿則又在屬采之先爲經營之本揆之往
古豈曰不然寔被周行何其深婉抑若揚兮詎
不多姿但雋而不尖逸而能雅今則氣佻而益
薄態露而不藏故巧極拙形曲極徑顯夫溫柔

敦厚柔僅一焉靡靡之音徒柔不厚之謂也梁
陳之弊在捨意問辭因辭覓態闕深造之旨漓
穆如之風故閨閣之篇是其正體次則分賦物
類流連景光倚外可以附文由來不能宣志至
如嗣宗詠懷太冲詠史劉越石之傷亂陶元亮
之歸田直寫習襟抒吐蘊抱者則千家絕響百
氏閤筆矣且夫閨閣之篇古人亦皆託興時物
之感君子祇以道懷今迹其所假尋于末流於
咏歌之道亦已失據矣而又綴無質之華竭桃
露之巧同聲一調靡靡爭趨從此之焉填詞爲
近所幸初唐承緒律體漸諧以平仄之詞得中
和之韻故翻於下派澄波獨流及射洪旣興青
蓮復起漸求古調一洗頽波易轍改絃振成高
響而人心所赴有若江河故聽古樂而恐臥聽
新聲而不倦日久漸趨纖卑復作義山飛卿綴
其餘流時又降於梁陳風仍愛其柔脆於是晚
唐風格轉作詩餘此梁陳必至之勢後先冰霜
之歸也循是以往爲比南之曲爲吳燕之歌源
流相承俚俗無底如將歸獄究厥渠魁詩亡之
罪梁陳服首雖然流失者末也漸至者時也當

其在初不若是甚夫梁陳之詩麗則丹碧輝煌雋則絲竹柔曼輝煌可以娛日柔曼可以悅耳當其隻辭聳聽逸韻動心思入微茫巧窮變態色聯五采味侈八珍此亦有所長者但就其所作亦未能盡充本量故撫實者多搖曳者少則態不足也屬對或強用字或戾則辭不足也梁陳所尚惟辭與態此而不足更何觀諸故余所選存就梁陳以論梁陳苟辭態俱優亦加甄錄後之作者偶涉無益之題戲規俳麗之體則務充其量辭態必兼自非然者發情命意乃爲本論非可廢辭而辭貴於雅非可無態而態不欲纖又若徒懲俳偶之風全去辭態之用則太羹玄酒飯土羹塵如擬宣懷不如著論卽云用韻頓比勒銘與咏歌之道相去復遠矣○簡文帝詩如佻薄公子圖飾新裝興馬衣冠事事雕琢不復有王謝子弟風味

京洛篇

南遊偃師縣斜上灞陵東回瞻龍首堞遙望德陽宮

重門遠照耀天閣復穹窿城傍疑複道樹裏識松風

黃河

一作沙

入洛水丹泉繞射熊夜輪懸素魄朝光蕩

碧空秋霜曉驅雁春雨暮成虹曲陽造甲第

曲陽後漢外戚

王根也

高安還禁中劉蒼歸作相竇憲出臨戎此時車

馬合茲晨冠蓋通誰知兩京盛歡宴遂無窮

麗語雜沓梁陳

正不也

權歌行

妾家住湘川菱歌本自便風生解刺浪水深能捉船

葉亂由牽荇絲飄爲折蓮濺狀疑薄汗沾衣似故湔

浣紗流暫濁汰錦色還鮮參同趙飛燕借問李延年

從來入絃管詎在櫂歌前

筆端輕雋備極豔詩態
度濺妝二句新秀如許

美女篇

佳麗盡關情風流最有名約黃能效月裁金巧作星

粉光勝玉靚衫薄擬蟬輕密態隨流臉嬌歌逐輦聲

朱顏半已醉微笑隱香屏

妖麗光字
作活字用

茱萸女

茱萸生狹斜結子復銜花遇逢纖手摘濫得映鉛華

雜與鬟簪插偶逐鬢鈿斜東西爭贈玉縱橫來問家

不無夫婿馬空駐使君車

新雋要歸于正○問家
用相逢行羅敷行語意

棗下何纂纂

古咄咄歌曰棗下何
攢攢榮華各有時

垂花臨碧澗結翠依丹巘非直入游宮兼期植靈苑
落日芳春暮遊人歌吹晚弱刺引羅衣朱實凌還憶
且歡洛浦詞無羨安期遠

豔麗之中此爲
高雅結能切題

折楊柳

楊柳亂成絲攀折上春時葉密鳥飛礙風輕花落遲
城高短簫發林空畫角悲曲中無別意併是爲相思
風輕花落遲不獨寫風
花而春和景媚可見

洛陽道

洛陽佳麗所大道滿春光遊童初挾彈鬻妾始提筐
金鞍照龍馬羅袂拂春桑玉車爭晚入潘果溢高箱

華氣
照灼

豔歌曲

雲櫓桂成戶飛棟杏爲梁斜窻通蕊氣細隙引塵光
裁衣魏后尺汲水淮南牀青驪暮當返預使羅裙香
流豔是其恒態細隙引塵光句
佳長吉隙月斜明方此詎不劣

採蓮曲

晚日照空磯採蓮承晚暉風起湖難度蓮多摘未稀
棹動芙蓉落船移白鷺飛荷絲傍繞腕菱角遠牽衣
語都有致落字未工擬改曰
棹動將花靡船移驚鷺飛

北渚

雍州曲三
首之一

岸陰垂柳葉平江含粉黛好值城傷人多逢蕩舟妾

綠水濺長袖浮苔染輕襪

水鄉之景
漂蕭漫靡

蜀道難

巫山七百里巴水三迴曲笛聲下復高猿啼斷還續

乍有
古意

採菱曲

菱花落復含桑女罷新蠶桂棹浮星艇徘徊蓮葉南

押韻
雅

夜夜曲二首

北斗闌干去夜夜心獨傷月輝橫射枕燈光半隱牀

光中
有怨

其二

愁人夜獨傷滅燭臥蘭房祇恐多情月旋來照妾牀
誠不可堪

烏棲曲四章

芙蓉作船絲作絳北斗橫天月將落採蓮渡頭擬黃
河郎今欲渡畏風波

構想
深曲

浮雲似帳月如鉤那能夜夜南陌頭宜城投泊今行

熟停鞍繫馬暫棲宿

楊用修引北堂書鈔宜城九醞酒曰醖酒謂投泊乃醖酒字之

誤亦通然投泊字本無不妥

古詩選

卷之二十二

青牛丹轂七香車可憐今夜宿倡家
倡家高樹烏欲棲羅帷翠帳向君低

織成屏風金屈膝朱脣玉面燈前出
相看氣息望君

憐誰能含羞不自前

七言婉秀之中尚餘健致

東飛伯勞歌二首

翻階蛺蝶戀花情容華飛燕相逢迎
誰家總角岐路陰裁紅點翠愁人心
天窻綺井曉徘徊珠簾玉篴明
鏡臺可憐年幾十三四工歌巧舞入
人意白日西落楊柳垂含情弄態兩
相知

其二

西飛迷雀東羈雉倡樓秦女乍相值誰家妖麗鄰中
止輕妝薄粉光閭里網戶珠綴曲瓊鈎芳茵翠被香
氣流少年年幾方三六合嬌聚態傾人目餘香落藥
坐相催可憐絕世爲誰媒輕倩無似獨欲以生硬不
熟做唐人耳然溫飛卿去
此遠近每謂梁陳調本接晚唐非子昂太
白一振頽流無復有初盛體於此益信

隴西行

邊秋胡馬肥雲中驚寇入勇氣特無侶輕兵救邊急
沙平不見鹵嶂轉還相及出塞豈成歌經川未遑汲
烏孫塗更阻康居路猶澀月暈抱龍城星流照馬邑
長安路遠書不還寧知征人獨佇立

此篇最爲流逸
經川未遑汲語

佳押濯邑二韻穩
結句悵然有情

江南曲

和云陽春路
時使佳人度

枝中水上春併歸長楊掃地桃花飛清風吹人光照
衣光照衣景將夕擲黃金畱上客

春光駘蕩
溢於筆端

採蓮曲

和云採蓮歸
淥水好沾衣

桂楫蘭橈浮碧水江花玉面兩相似蓮疎藕折香風
起香風起白日低採蓮曲使君迷

後四語
搖曳

侍遊新亭應令

神襟愍行邁岐路愴徘徊遙瞻十里陌傷望九城臺
鳳管流虛谷龍騎藉春荑曉光浮野暎朝煙承日廻

沙文浪中積春陰江上來柳葉帶風轉桃花含雨開
聖情蘊珠綺札命表英才顧憐砭砭質何以儷瓊瓌
頗有秀句藉春茲藉字亦穩
亦動亦雅沙文二句饒生致

奉和登北顧樓

春陵佳麗地濟水鳳凰宮况此徐方域川岳邁周禮
皇情愛歷覽遊涉擬崆峒聊驅式道候無勞襄野童
霧崖開早日晴天歇晚虹去帆入雲裏遙星出海中
起語詠地得體通首雅
切遙星出海中句佳

玩漢水

雜色崑崙水泓澄龍首渠豈若茲川麗清流疾且徐

離離細磧淨藹藹樹陰疎石衣隨溜卷水芝扶浪舒
連翩瀉去楫鏡澈倒遙墟聊特點纓上於是察川魚
每愛急流中水草思詠之不易也石衣二句大佳
連翩二句亦自有生致麗語兼以生致引人不已

贈張纘

儀表咸推挹墻仞難窺踐旣富垂帷學復折波濤辯
綺思曖霞飛清文煥颺轉朱旗赫容與彫檠紛曜煜
波搖白鱧舟風動蒼鷹舳九疑勢參差江天相蔽虧
三春澧浦葉九月洞庭枝洞庭枝嫋娜澧浦葉參差
芬芳與搖落俱應傷別離

末六句皆
良生姿

餞臨海太守劉孝儀蜀郡太守劉孝勝

碣石臨東海峨嶠距西侯兩杜昔夾河二龍今出首
方無夜犬驚向息神牛鬪涼風遶輕幕麥雨交新溜
念此一銜觴懷離在惟舊

物色新秀結句惟舊字佳
既切離情又非朋好語頗

宜得

仙客

漆水豈難變桐刀乍可揮青書長命籙紫水芙蓉衣
高翔五岳小低望九河微穿池聽龍長叱石待羊歸
酒闌時節久桃生歲月稀

穿池二
句佳

往虎窟山寺

塵中喧慮積物外衆情捐茲地信爽塏墟壘駿阡綿

藹藹車徒邁飄飄旌旆懸細松斜遶逕峻嶺半藏天
古樹無枝葉荒郊多野煙分花出黃鳥挂石下新泉
蓊鬱均雙樹清虛類八禪栖神紫臺上縱意白雲邊
徒然嗟小藥何由齊大年

細松二句分
花二句並雋

望同泰寺浮圖

遙看官佛圖帶壁復垂珠銀燭踰漢汝寶鐸邁昆吾
日起光芒散風吟宮徵殊露落盤恒滿桐生鳳不雛
飛幡雜晚虹畫鳥狎晨鳧梵世凌空下應真蔽景趨
帝馬咸千轡天衣盡六銖意樂開長表多寶現金軀
能令苦海渡復使漫山踰願能同四忍長當出九居

寫浮圖頗極華壯翻以日
起二句虛寫者爲最工

蒙華林園戒詩

庸夫耽世樂俗士重虛名三空旣難了八風恒易傾
伊余久齊物本自一枯榮弱齡愛箕頽由來重伯成
非爲樂肥遯特是厭逢迎執珪守蕃國主噐作元貞
昔日書銀字久自惡宗英斯焉佩金璽何由廣德聲
居高常慮缺持滿每憂盈茲言信非矯丹心良可明
舟航奉睿訓接引降皇情是節高秋晚沈寥天氣清
郊門光景麗祈年雲霧生紅蕖間青瑣紫露濕丹楹
葉疎行逕出泉溜遠山鳴綠衿依蒲戍絳纓拂林征

庶蒙八解益方使六塵輕脫聞時可去非舍重城

前段自述清切接引降皇情下有心燈朗暗室牢舟出愛瀛二句心燈愛瀛字禪語似不佳擬去此二語是節高秋晚以下景物幽雋蓋詩中不入景物作致則都無風韻又妙在以是節二字振起若別生湍浪章法浩蕩大佳

且出興業寺講詩

沐芳肅朝帶駕言抵淨宮羽旗承去影饒吹雜還風
吳戈夏服箭驥馬綠沈弓水照柳初碧煙含桃半紅

由來六塵縛宿昔五纏朦見鶴徒知謬察象理難

還同方知惠四辯奚用語三空

去影還風廻合有致還風句尤佳蓋饒吹

在前行風還響來聞於後隊也意曲故饒情水照二句景亦不恒凡景必兩物相合乃生異趣也

和徐錄事見內人作臥具

密房寒日晚落照度窓邊紅簾遙不隔輕帷半捲懸
方知纖手製詎減縫裳妍龍刀橫膝上畫尺墮衣前
熨斗金塗色簪管白牙𪚗衣裁合歡禰文作鴛鴦連
針用雙縫縷絮用八蠶綿香和麗丘蜜麝吐中臺煙
已入琉璃帳兼雜太華氊且共雕鑪暖非同團扇捐
更恐從軍別空牀徒自憐

池處寫見字有生態中段
開宕處極暢結能作致

戲贈麗人

麗姬與妖嬈共拂可憐妝同安鬟裏撥異作額間黃
羅裙宜細簡畫屨重高牆含羞來上砌微笑出長廊

取花爭問色

藝文作寶鐸

攀枝念蕊香但歌聊一曲鳴絃

未肯張自矜心所愛三十侍中郎

但歌二句曲寫嬌態

秋閨夜思

非關長信別詎是良人征九重忽不見萬恨滿心生

夕門掩魚鑰宵牀悲畫屏迴月臨窓度吟蟲饒砌鳴

初霜霽細葉秋風驅亂螢故妝猶累日新衣製未成

欲知妾不寐城外搗砧聲

此應寫銅臺之怨語頗淒切結句思致飄忽

詠內人晝眠

北窓聊就枕南簷日未斜攀鉤落綺障插捩舉琵琶

夢笑開嬌靨眠鬟壓落花簾文生玉腕香汗浸紅紗

夫壻恒相伴莫誤是倡家

夢笑四句纖曲盡態拈
舉琵琶近是奏句擬改日

展禱襖

藍牙

詠舞

可憐稱二八逐節似飛鴻
懸勝河陽妓闇與淮南同
入行看履進轉面望鬟空
腕動若華玉衫隨如意風

上客何須起啼鳥未肯終

入行二句生
動結句安雅

戲作謝惠連體十三韻

雜蕊映南庭庭中光景媚
可憐枝上花早得春風意
春風復有情拂幔且開楹
開楹開碧煙拂幔復垂蓮
偏使紅花散飄揚落眼前
眼前多無况參差鬱相望

珠繩翡翠帷綺幕芙蓉帳香煙出窓裏落日斜階上
日影去遲遲節華咸在茲桃花紅若點柳葉亂如絲
絲條轉暮光影落暮陰長春燕雙雙舞春心處處揚
酒滿心聊足萱枝愁不忘未見惠連有此體其詩應
不傳要是西洲曲之餘音
以紫綰見致○紅花飄揚語生動香烟二句
出字斜字活絲條二句寫日影籠蔥大佳

守東華門開

脂車向馳道總轡息中華落關猶待漏交戟未通車
薄雲初啓雨曙色始成霞塹流鋪紫若城風泛橘花
絃誦終無取顧已自懷嗟命題已新落關三句典切
鋪字泛字自是古詩句眼

極生動又
極高渾

喜疾瘳

朝窻猶掩扇宿幔未懸鉤逍遙臨四注兼持散九愁
雖同衛子憊聊喜摯生瘳隔簾陰翠篠映水含珠櫺
丹經蘊玉笥玄水出長洲結友尋方岳採藥訪圓丘
飛鴻若可駕輕簪必易抽起四句甚得疾瘳情事久廢臨望乍復得遂遠眸樂
可知也雖同二句使事已足下又填四語災星夜出境鳴禽晚去樓燭邪無賈復祆氣息梁牛頗覺累氣擬去之結意蕭蕭自遠亦稱本旨採藥圓丘茲情已顯又加神隨七星變貌逐五雲雷二句亦傷繁累猶是此意而排入典事語又不雋不如削去始得輕快無擁腫之疾

晚景納涼

日移涼風散懷抱信悠哉珠簾影空捲桂戶向池開

鳥

一作鳥

棲星欲見河淨月應來橫階入細笋破地濕

輕苔草化飛爲火蚊聲合似雷於茲靜聞見自此歇

氛埃

眼前境物楚楚草化二句新頗覺生色○橫階入細笋句嵌入與上下少情不若作拂階搖細

竹

玄圃寒夕

洞門扉未掩金壺漏已催曛煙生澗曲暗色起林隈

雪花無有帶冰鏡不安臺堦楊始倒插浦桂半新裁

陳根委落蕙細蕊

一作葉

發香梅雁去銜蘆上狎戲繞

枝來

句並雋但結無法○南史曰雪花二句後人以爲詩識無蒂者是無蒂不安臺者臺城不安

送別

行行異沂海

一作海沂

依依別路岐水苔隨纜聚岸柳拂

舟垂石菌生懸葉江槎流臥枝燭盡悲宵去酒滿惜

將離

水苔隨纜聚語佳

秋夜

高秋

一作盲風

度函谷墜露下芳枝綠潭倒雲氣青山銜

月規花心風上轉葉影樹中移

一作危

外遊獨千里夕

歎誰共知

秀雅

金閨思

遊子久不返妾身當何依日移孤影動羞覩燕雙飛

絕句須第三句佳要出人意意外此秘可觀

詠藤

纖條寄喬木弱影掣風斜
標春抽曉翠出霧挂懸花
出霧句甚生動

詠單鳧

銜苔入淺水刷羽向沙洲
孤飛本欲去得影更淹畱
體味單字不惟有致亦且令鳧有情○得影且畱懷雙意切

蜂

逐風從泛漾照日乍依微
知君不畱眄銜花空自飛

別有感

詠籠燈

動燄翠帷裏散影羅帳前花心生復落明銷君詎憐

壞橋

虹飛亘林際星度斷山隅斜梁懸水跡畫柱脫輕朱
雅

和蕭侍中子顯春別三首

別觀葡萄帶實垂江南荳蔻生連枝無情無意猶如
此有心有恨徒別離

其二

桃紅李白若朝妝羞持顚顚比新芳不惜暫住

一作往

君前死愁無西國更生香

苦語
新聲

其三

蜘蛛作絲滿帳中芳草結葉當行路紅臉脉脉一生啼黃鳥飛飛有時度故人雖故昔經新新人雖新復

應故

柔情苦調新態生詞六朝獨擅之體

夜望單飛雁

天霜河白夜星稀一雁聲嘶何處歸早知半路應相

失不如從來本獨飛

詩數云簡文別觀蒲桃桃紅李白天霜河白三首皆七言絕也

王筠元倡銜悲掩涕一首亦同湘東日暮徙倚意度尤近但平仄多同粘帶時失耳按琴歌魏收亦相先

後則七言絕句緣起斷自梁朝也

春情

蝶黃花紫燕相追楊低柳合露塵飛已見垂鈎挂綠
樹誠知淇水沾羅衣兩童夾車問不已五馬城南猶
未歸鶯啼春欲駛無爲空掩扉

此本近溫李兩童二句却開初唐以其雅

傷離新體

傷離復傷離別後情鬱紆悽悽隱去棹憫憫愴還途
慙慙意不申轉顧獨沾襟前驅經御宿後騎歷河湄
胡香翼還憶清笳送後塵落日斜飛蓋餘暉承畫輪
柳影長橫路槐枝深隱人桂宮夕掩銅龍扉甲館宵
垂雲母幃朧朧月色上的的夜螢飛草香襲余袂露

灑沾人衣帶，蝶凌城雲亂。聚排枝度葉，鳥爭歸盤中。

浮

一作綠

蟻不能酌，琴間玉徽調。別鶴別鶴，千里別離。

聲絃調軫急，心自驚。試起登南樓，還向華池遊。前時

篠生今欲合，近日栽荷尚不抽。猶是銜杯共賞處，今

茲對此獨生愁。登樓望曖曖，山川自分態。偃師雖北

連，輟轅已南背。遠聽寂無聞，遙瞻目有閤。含毫意不

迷，長歎憶無賴。

凌亂煩冤成此新構，聲調却高以其詞雅，語健周應爲初唐所宗。○帶蝶

二句景活而語能生，硬大佳。

元帝

諱繹，字世誠，武帝第七子也。初封湘東王，爲會稽太守，入爲侍中、丹陽尹，出爲使持節、都

督荊州刺史、鎮西將軍、侯景反，遣王僧辯討誅之，遂卽位於江陵。西魏見伐，兵敗出降，爲梁王。

嘗所害○湘東直率之性筆
短風姿強屬詞不能工琢

驄馬驅

朔方寒氣重胡關饒苦霧白雪晝凝山黃雲宿埋樹
連翩行役子終朝征馬驅試上金微山還看玉關路
元帝擬漢橫吹諸篇非不雕琢雋句而驅使虛字不
確往往少情此首直致之作末二語翻有意致六句
安頓本題三字亦穩貼

烏棲曲四章

沙棠作船桂爲楫夜渡江南採蓮葉復值西施新浣

紗燕向江干眺月華

玉臺作共汎
江干瞻月華

其二

月華似璧星如佩流影澄明玉堂內邯鄲九枝朝始
成金卮玉盃共君傾

其三

交龍成錦鬪鳳紋芙蓉爲帶石榴裙日下城南兩相
望月沒參橫掩羅帳

其四

七彩隋珠九華玉蛺蝶爲歌明星曲蘭房椒閣夜方
開那知步步香風逐

輕麗

赴荊州泊三江口

涉江望行旅金鉦間綵旂水際含天色虹光入浪浮

柳條恒拂岸花氣盡薰舟叢林多故社單戍有危樓
疊鼓隨朱鷺長簫應紫駟蓮舟夾羽斃畫舸覆緹油
榜歌殊未息於此泛安流稍能高壯藩難未靜迷懷
中有霜戈臨壑白日羽映
流紅白紅二字生動
全首不稱故不錄

和王僧辨從軍

樂府作
從軍行

寶劍飾龍淵長虹畫彩旃山虛和鏡管水淨寫樓船
連雞隨火度燧象帶烽然洞庭晚風急瀟湘夜月圓
荀令多文藻臨戎賦雅篇通首雅山虛二句
佳水淨句尤活

藥名詩

戍客恒山下常思衣錦歸況看春草歇還見雁南飛

蠟燭凝花影重臺閉綺扉風吹竹葉袖網綴流黃機

詎信金城裏繁露曉霑衣

寫兩地蕭索兩不相知有情但未見皆是藥名

望江中月影

澄江涵皓月水影若浮天風來如可泛流急不成圓

秦鈎

一作鏡

斷復接和璧碎還聯裂紈依岸草斜桂逐

行船卽此春江上無俟百枝然

流急不成圓一句佳耳

夜宿栢齋

獨暗行人靜簾開雲影入風細雨聲遲夜短更籌急

能下班姬淚復使倡樓泣況此客遊人中宵空佇立

元帝詩翻以此等直致者爲佳

和劉上黃春日

新鶯隱葉嘯新燕向窓飛
柳絮時依酒梅花乍入衣
玉珂逐風度金鞍映日暉
無令春色晚獨望行人歸
淺而亮

和林下作妓應令

和昭明

日斜下北閣高宴出南榮
歌清隨澗響舞影向池生
輕花亂粉色風篠雜絃聲
獨念陽臺下願待洛川笙
刻意摹林下字
屬對未甚工

五言詩

寒泥猶稽命新都久未平
留滯淹三楚嶺岷保一城

終當撫期運伐罪弔蒼生

言志真切無誇語嘖嘖保一城語能述事

遺武陵王詩

武陵王紀稱帝於蜀起兵內伐元帝與之書許其還蜀專制岷方紀

不從帝又遺之詩

回首望荆門驚浪且雷奔四鳥嗟長別三聲悲夜猿

不入一語但作比義動以至性大佳

詠螢火

著人疑不熱集草訝無煙到來燈下暗翻往雨中然

稍有致燈下不宜暗雨中不宜然螢火翻如此故曰有致

春別應令四首

和簡文

昆明夜月光如練上林朝花色如霞朝花夜月動春

心誰忍相思不相見

其二

門前楊柳亂如絲直置佳人不負持適言新作裂紈

詩誰悟今成織素辭

拙故不近

其三

日暮徙倚渭橋西正見流月與雲齊若使月光無近

遠應照離人今暝

一作夜

啼

語甚健然并不知隔千里兮共明月

其四

試看機上交龍錦還瞻庭裏合歡枝映日通風影珠
幔飄花拂葉度金池不聞離人當重合唯悲合罷會

成離

此情誠哀

邵陵王綸

武帝第六子爲潁州刺史侯景構逆加征討大都督率衆討景不克死

入茅山尋桓清遠題壁

荆門丘壑多囂牖風雲入自非棲遁情誰堪霜露濕
深山高隱人所不堪者亦已
多矣但言霜露濕已自誰堪

采菽堂古詩選

卷之二十二終

采菽堂古詩選卷之二十三目次

梁二

沈約

長歌行

江離生幽渚

青青河畔草

梁甫吟

君子有所思行

白馬篇

芳樹

臨高臺

趙瑟曲

秦箏曲

陽春曲

朝雲曲

樂未央

四時白紵歌五首

三日侍鳳光殿曲水宴應制

爲臨川王九日侍太子宴

從齊武帝瑯琊城講武應制

三日侍林光殿曲水宴應制

侍宴樂遊苑餞呂僧珍應詔

遊鍾山詩應西陽王教五章

登高望春

遊金華山

劉真人東山還

登元暢樓

酬謝宣城朓

新安江至清淺深見底貽京邑遊好

送別友人

早發定山

和竟陵王遊仙詩

遊沈道士館

還園宅奉酬華陽先生

赤松澗

八關齋

古意

少年新婚爲之詠

夢見美人

直學省愁臥

休沐寄懷

宿東園

奉和竟陵王郡縣名

三月三日率爾成章

應王中丞思遠詠月

詠湖中雁

冬節後至丞相第詣世子車中作

奉和竟陵王經劉歊墓

悼亡

侍遊方山應詔

泛永康江

別范安成

效古

春思

秋夜

簷前行

翫庭柳

領邊繡

懷舊詩五首

詠箏

侍宴詠反舌

寒松

詠孤桐

詠梧桐

園橘

詠梨應詔

詠鹿蔥

詠菰

早行逢故人車中爲贈

爲鄰人有懷不至 石塘瀨聽猿

六憶詩四章

八詠詩八首

采菽堂古詩選

卷之二十三

虎林陳祚明亂倩父評選

梁二

沈約

字休文吳興武康人宋泰始中爲安西記室

徵爲五兵尚書梁武帝受禪以佐命功除僕射歷
尚書令侍中封建昌侯加特進卒諡曰隱○詩
品自觀休文製五言最優詳其文體察其餘論
固知其憲章鮑明遠也所以不閑于經綸而長
于清怨永明相王愛文王元長等皆宗附之約
于時謝朓未適江淹才盡范雲名級故徵故約
稱獨步雖文不至其工麗亦一時之選也見重
閭里誦詠成音嶸謂約所著旣多今剪除涇雜
收其精要允爲中品之第矣故當詞密於范意
淺於江也○南史曰鍾嶸常求譽於約約拒之
及約卒嶸品古今詩爲評言其優劣云云蓋追
宿憾以此報之也○顏氏家訓云沈隱侯曰文

章當從三易見事一也易識字二也易誦三也邢子才曰沈侯文章用事不使人覺若曾臆語也祖孝徵亦常謂吾讀沈詩崖傾護石髓此豈似用事耶○休文詩體全宗康樂以命意爲先以煉氣爲主辭隨意運態以氣流故華而不浮雋而不靡詩品以爲憲章明遠源流旣譎獨謂工麗見長品題並謬要其捃勝特在含毫之先命旨旣超匠心獨造渾淪跌宕具以神行句字之間不妨率直所未逮康樂者意雖遠而不曲氣雖厚而不幽意之不曲非意之咎乃辭乏低徊也氣之不幽非氣之故乃態未要眇也大抵多發天懷取自然爲詣極句或不琢字或不謀直致出之易流平弱遠攀漢魏望塵之步欲前近比康樂具體而微是已夫辭雖乏於低徊而運以意則必警態雖未臻要眇而流於氣者必超驟而詠之泐泐可愛細而味之悠悠不窮以其薄響校彼蕪音他人雖麗不華休文雖淡有旨故應高出時手卓然大家三復之餘慕思無已○沈休文詩如千將名劍水斷蛟龍陸剽犀兕鋌刀鉞利所觸無畱獨不似魚腸七首有

雕鏤之用又如洞庭山水窮高極深峩峩于霄
瀕洞極泉其紆迴秀折不如武夷九曲之佳而
浩大奇觀固
極仁知之樂

長歌行

連連舟壑改微微市朝變來功嗣往迹莫武徂升彥
局塗頓遠策畱懽恨奔箭拊臆狀驚瀾循休擬回電
歲去芳願違年來苦心薦春貌旣移紅秋林豈停蒨
一倍茂陵道寧思栢梁宴長戢兔園情永別金華殿
聲微無惑簡丹青有餘絢幽籥且未調無使長歌倦
前悼年華之促後勵勳業之垂末句合樂之詞也構
句蒼秀不羣從軍行序征戍之苦亦多警句如云浮
天出鯁海束馬渡交河浮天有生致雪縈九折磴風
卷萬里波維舟無夕島秣驥乏平莎凌濤富驚沫援木

關垂蘿江颺鳴疊嶼流雲照層阿玄埃晦朔馬白日
照吳戈並極琢煉持後有晨裝豈輟警夕疊誰淹和
一聯淹和字湊韻
無理故割愛刪之

江蘿生幽渚

一作塘上行

澤蘭被荒徑孤芳豈自通幸逢瑤池曠得與金芝叢
朝承紫臺露夕潤綠池風旣美脩嫵女復悅繁華童
夙昔玉霜滿旦暮翠條空葉飄儲胥右芳歇露寒東
紀化尚盈旻俗志信積隆財殫交易絕華落愛難終
所惜改驩眄豈恨逐征蓬願同昭陽景持照長門宮
命旨有古意末段以質言得暢紀化二句俗志信
積隆語不亮所惜二句押蓬字湊韻且去之更健

青青河畔草

漠漠牀上塵心中憶故人故人不可憶中夜長歎息
歎息想容儀不言長別離別離稍已久空牀寄杯酒
無端而起無端而止可謂無聊之甚

梁甫吟

龍駕有馳策日御無停陰星籥亟迴變氣化坐盈侵

寒光稍眇眇秋塞

一作色

日沈沈高窻仄餘火

火大火心星也

傾河駕騰參颺風折暮草驚籜貫層林時雲

集作雨靄

空遠淵水結清深奔樞豈易紐珠庭不可臨懷仁每

多意履順孰能禁露清一唯促緩志且移心哀歌步

梁甫歎絕有遺音

語矯健見蒼涼之懷露清一唯促句不可解當是露情耶

卷二
君子有所思行

晨策終南首顧望咸陽川咸里遡層闕里館負崇軒
複塗希紫閣重臺擬望仙巴姬幽蘭奏鄭女陽春絃
共矜紅顏日俱忘白髮年寂寥茂陵宅照曜未央蟬

無以五鼎盛顧嗤三經元

翻以寂寥之宅照曜蟬冕意佳味紅顏白髮之語乃

謂繁華有窮著述不朽

白馬篇

白馬紫金鞍停鑣過上蘭寄言狹斜子詎知隴道難
赤阪途三折龍堆路九盤冰生肌裏冷風起骨中寒
功名志所急日暮不遑餐長驅入右地輕舉出樓蘭

直去已垂涕寧可望長安匪期定遠封無羨輕車官
唯見恩義重豈覺衣裳單本持軀命答幸遇身名完
浩浩杼壯志直
去二句意曲佳

芳樹

發萼九華隈開跗寒露側氤氲非一香參差多異色
宿昔寒飈舉摧殘不可識霜雪交橫至對之長歎息
古意深長老氣橫溢不但悲歎秋期
且追念宿昔川意特曲其氣格亦高

臨高臺

高臺不可望望遠使人愁連山無斷絕河水復悠悠
所思竟何在洛陽南陌頭可望不可見何用解人憂

淺語有情以可望不可見句
意反望遠當歸用故有態

趙瑟曲

邯鄲奇弄出文梓
繁絃急調切流徵
玄鶴徘徊白雲起
白雲起鬱披香離
復合曲未央

生意於過雲而增曲致

秦箏曲

羅袖飄飄拂雕桐
促柱高張散輕宮
迎歌度舞過歸風
過歸風止流月壽
萬春歡無歇

又從過雲別生一意

陽春曲

楊柳垂地燕差池
絨情忍思落容儀
弦傷曲怨心自知
心自知人不見動
羅裙拂珠殿

妙得不言之情

朝雲曲

陽臺氤氲多異色巫山高高上無極雲來雲去常不
息常不息夢來遊極萬世度千秋

古勁可謂調高

樂未央

億舜日萬堯年詠湛露歌採蓮願維百和氣宛轉金
罍前

四時白紵歌五首

古今樂錄曰沈約云白紵五章救臣約造武帝造後兩句

其體甚異故須畱傳命語亦健不淪卑響

春白紵

蘭葉參差桃半紅飛芳舞縠戲春風如嬌如怨狀不

同含笑流眄滿堂中翡翠羣飛飛不息願在雲間長
比翼佩服瑤草駐容色舜日堯天歡無極

夏白紵

朱光灼爍照佳人含情送意遙相親嫣然一

宛一作轉

亂心神非子之故欲誰因翡翠羣飛飛不息願在雲
間長比翼佩服瑤草駐容色舜日堯天歡無極

秋白紵

白露欲凝草已黃金瑄玉柱響洞房雙心一意俱徊
翔吐情寄君君莫忘翡翠羣飛飛不息願在雲間長
比翼佩服瑤草駐容色舜日堯天歡無極

冬白紵

寒閨晝密羅幌垂婉容麗色心相知雙去雙還誓不
移長袖拂面爲君施翡翠羣飛飛不息願在雲間長
比翼佩服瑤草駐容色舜日堯天歡無極

夜白紵

秦箏齊瑟燕趙女一朝得意心相許明月如規方襲
予夜長未央歌白紵翡翠羣飛飛不息願在雲間長
比翼佩服瑤草駐容色舜日堯天歡無極

三日侍鳳光殿曲水宴應制

光遲蕙畝氣婉椒臺皇心愛矣帝曰遊哉玉鸞徐驚

一作警

翠鳳輕迴別殿廣臨離宮洞啓川祇奉壽河宗

相禮清洛漸筵長伊流陞涖盪嘉羞搖漾芳醴輕歌

易繞弱舞難持素雲畱管玄鶴停絲引思爲歲歲亦

陽止叨服賁身身亦昌止徒勤丹漆終愧文梓

典切高亮

寫曲木數語似謝宣城亦稍變

爲臨川王九日侍太子宴

涼風北起高雁南翻葉浮楚水草折梁園淒涼霜野
惆悵晨鷗雲輕寒樹日麗秋原三金廣設六羽高陳
寒英始獻涼酎初醇靡靡神襟鏘鏘羣彥思媚儲猷
洽和奉宴恩暢蘭席歡同桂殿景遽樂推臨風以眷

麗景天枝位非德舉任伍辰階祚均河楚負嶽未勝
瞻雲難侶望古興惕心焉載佇

語餘句表
蘊有逸姿

從齊武帝瑯琊城講武應制

九功播祧墀七德陳武懸展事昌國圖息兵由重戰
皇情咨閣典出車迨辰選飾徒映寒隰翻綏臨廣甸
颯沓佩吳戈參差腰夏箭風旆舒復卷雲霞清以轉
輕舞信徘徊前歌且遙衍秋原嘶代馬朱光浮楚練
虹壑寫飛文巖阿藻餘絢發震嶽靈從揚旌冰華變
憑高訓武則中天起遐眷鳳蓋捲洪河珠旗掃

集作拂

長汧方待翠華舉遠適瑤池宴

通首典切結意得體
雲霞清以轉五字無

謂是奏句擬改
日雲輅停且轉

三日侍林光殿曲水宴應制

宴鎬鏘玉鑾遊汾舉仙輶榮光泛彩旄脩風動芝蓋
淑氣婉登晨天行聳雲旆帳殿臨春籞帷宮繞芳薈
漸席周羽觴分輝引迴瀨穆穆玄化升濟濟皇階泰
將御遺風軫遠侍瑤臺會

體深穩語工秀其源出於建安公譙故雖俳不卑

侍宴樂遊苑餞呂僧珍應詔

丹浦非樂戰負重切君臨我皇秉至德忘已用堯心
愍茲區宇內魚鳥失飛沈推轂二嶠道揚旆九河陰
超乘盡二屬選士皆百金戎車出細柳餞席遵

一作樽

上林命師誅後服授律緩前禽函轅方解帶曉武稍
披襟伐罪亾山曲弔民伊水潯將陪告成禮待此未
抽簪僅一結句有情耳以語中作一曲故佳通篇平平未足與前人方駕

遊鍾山詩應西陽王教五章

靈山紀

本集作標

地德地險資嶽靈終南表秦觀少室邇

王城翠鳳翔淮海衿帶遶神垌北阜何其峻林薄杳
葱青

其二

發地多奇嶺干雲非一狀合沓共隱天參差互相望
鬱律構丹巘峻嶒起青嶂勢隨九疑高氣與三山壯

起四語得寫景寫虛之法千巖萬壑會於筆端
康樂每能之王右丞終南山一篇亦是此意

其三

卽事旣多美臨眺殊復奇南瞻儲胥觀西望昆明池
山中咸可悅賞逐四時移春光發隴首秋風生桂枝

賞逐四時
移句亦弱

其四

多值息心侶結架山之足八解鳴澗流四禪隱巖曲
窈冥終不見蕭條無可欲所願從之遊寸心於此足

味此章知上文景中有情且此章情
中有景情景互相窈深足人耽味

其五

君王挺逸趣羽旆臨崇基白雲隨玉趾青霞襍桂旗
淹畱訪五藥顧步佇三芝於焉仰鑣駕歲暮以爲期

登高望春

登高眺京洛街巷紛漠漠迴首望長安城闕鬱盤桓
日出照鈿黛風過動羅紈齊童躡朱履趙女揚翠翰
春風搖襍樹葳蕤綠且丹寶瑟玫瑰柱金羈玳瑁鞍
淹畱宿下蔡置酒過上蘭解睂還復斂方知巧笑難
佳期空靡靡含睇未成歡嘉客不可見因君寄長歎

難合之悲淒然遠
引解睂二句妍

遊金華山

遠策追夙心靈山協九要天倪臨紫闕地道通丹竅
未乘琴高鯉且縱嚴陵釣若蒙羽駕迎得奉金書召
高馳入閭闔方覩靈妃笑

劉真人東山還

連峯竟無已積翠遠微微寥戾野風急芸黃秋草腓
我來歲云暮於此悵懷歸霜雪方共下寧止露霑衣
待余兩岐秀去去掩柴扉

起句便爾蒼然結亦有致

登元暢樓

危峯帶北阜高頂出南岑中有陵風榭迴望川之陰
岸險每增減湍平互淺深水流本三派臺高乃四臨

上有離羣客客有慕歸心落暉映南浦煥景燭中潯
雲生嶺乍黑日下溪半陰信美非吾土何事不抽簪
寫景盡
道情真

酬謝宣城朓

集云調宣
城朓臥疾

王喬飛鳧舄東方金馬門從宦非宦侶避世作避諠
揆予發皇鑒一作覽短翮屢飛翻晨趨朝建禮晚沐臥

郊園賓至下塵榻憂來命綠尊昔賢侔時雨今守馥

蘭蓀神交疲夢寐路遠隔思存牽拙謬東汜浮情及

西崑顧循良菲薄何以儷璵璠將隨渤澥去刷羽泚

清源

語無浮情賓至二句曠
然遠旨摘思存字雋

新安江至清淺深見底貽京邑遊好

眷言訪舟客茲川信可珍
洞徹隨清淺皎鏡無冬春
千仞寫喬樹百丈見遊鱗
滄浪有時濁清濟涸無津
豈若乘斯去俯映石磷磷
紛吾隔囂滓寧假濯衣巾
願以潺湲水霑君纓上塵

繪水繪清取神之筆結意亦如亦曠

送別友人

君東我亦西銜悲涕如霰浮雲一南北何由展言宴
方作異鄉人贈子同心扇遙裔發海鴻連翻出簷燕
春秋更去來參差不相見

殊饒古意具體而微同異二字作致

早發定山

夙齡愛遠壑晚蒞見奇山
標峯綵虹外置嶺白雲間
傾壁忽斜豎絕頂復孤圓
歸海流漫漫出浦水濺濺
野棠開未落山櫻發欲然
忘歸屬蘭杜懷祿寄芳荃
眷言採三秀徘徊望九仙
頗倣康樂故知昭明所選
惟取高清○標置字新
和竟陵王遊仙詩

朝止閭闔宮暮宴清都闕
騰蓋隱

一作
擁

奔星低鑾避

行月九疑紛相從
虹旌乍升沒青鳥去復還
高唐雲不歇若華有餘照
淹畱且晞髮

曠越

遊沈道士館

秦皇御宇宙漢帝恢武功
歡娛人事盡情性猶未充

銳意三山上託暮九霄中既表祈年觀復立望仙宮
寧爲心好道直由意無窮曰余知止足是願不須豐
遇可淹留處便欲息微躬山嶂遠重疊竹樹近蒙籠
開襟濯寒水解帶臨清風所累非物外爲念在玄空

一作朋來握石髓賓至駕輕鴻都令人徑絕惟使雲

路通一舉凌倒景無事適華嵩寄言賞心客歲暮爾

來同一瀉直下前半語頗率弱後半則灑落有致如此絕不雕飾乃爲昭明所收謂文選取辭華此

音大

還園宅奉酬華陽先生

早欲尋名山期待婚嫁畢二事雖云已此外復非

忽聞龍圖至仍覩榮光溢副朝首八元開壤賦千室
冠纓曾弗露風雨未嘗櫛鳴玉響洞門金蟬映朝日
慙無小人報徒叨令尹秩豈忘平生懷靡盬不遑恤
人不能超然遺世姑云有待抑知生世何日終竟長
自阻耳詠起四句傷哉悲乎復何可言休文詩往往
直寫喜無矯飾

赤松澗

松子排煙去英靈眇難測惟有清澗流潺湲終不息
神丹在茲化雲輶於此陟願受金液方片言生羽翼
渴就華池飲饑向朝霞食何時當來還延佇青巖側
起句浩然而來曠旨高邁崔灑黃鶴樓詩脫胎于此通篇盡饒古調

八關齋

因戒倦輪飄習障從塵染四衢道難闢八正扉猶掩
得理未易期失路方知險迷塗旣已復豁悟非無漸
用意深曲言一時豁悟不易八關戒定足資引人漸
修未容不務如妄希躐等勿蹈循途一跌可虞終迷
不復語中乍抑乍揚一彼
一此含蘊微婉故是佳作

古意

挾瑟叢臺下徙倚愛容光佇立日已暮戚戚苦人腸
露葵已堪摘淇水未沾裳錦衾無獨暖羅衣空自香
明月雖外照寧知心內傷

明月雖外照寧知心內傷以質見古雖淺實深

少年新婚爲之詠

山陰柳家女薄言出田墅丰容好姿顏便僻巧言語
腰肢旣軟弱衣服亦華楚紅輪映早寒畫扇迎初暑
錦履並花紋繡帶同心苴羅襦金薄厠雲鬢不釵舉
我情已鬱紆何用表崎嶇託意睂間黛申心口止朱
莫爭三春價坐喪千金軀盈尺青銅鏡徑寸合浦珠
無因達往意欲寄雙飛鳬裙開見玉趾衫薄映凝膚
羞言趙飛燕笑殺秦羅敷自顧雖悴薄冠蓋曜城隅
高門列騶駕廣路從驪駒何慙鹿盧劍詎減府中趨
還家問鄉里詎堪特作夫

轉掉處不作津渡劃然徑下使人不測○此詠少年

新婚我情已鬱紆我者少年自我也坐喪千金軀喪失也盈尺二句聘禮已將裾開以下居然牢套矣末

調少年言此堪作夫否
中間倚語頗復搖曳

夢見美人

夜聞長歎息知君心有憶果自閭闔開魂交覩顏色
旣薦巫山枕又奉齊魯食立望復橫陳忽覺非在側

那知神傷者潺湲淚沾臆

純用白描
真態徘徊

直學省愁臥

秋風吹廣陌蕭瑟入南闌愁人掩軒臥高牕時動扉
虛館清陰滿神宇曖微微網蟲垂戶織夕鳥傍欄飛
纓珮空爲忝江海事多違山中有桂樹歲暮可言歸
高牕時動扉寫風形聲畢出
通首景情交盡都無浮溢

休沐寄懷

雖云萬重嶺所覩終

一作惟

一丘堦墀幸自足安事遠

遨遊臨池清潄暑開幌望高秋園禽與時變蘭根應
節抽憑軒舉木末垂堂對水周紫籜開綠篠白鳥映
青疇艾葉彌南浦荷花遶北樓送日隱層閣引月入
輕幃爨熟寒蔬剪賓來春蟻浮來往旣云勦斲景爲
誰畱

起入高論具徵達旨後半尋緒而下俱提得少
自足之意而語頗秀逸憑軒二句佳言妙景不

遠

宿東園

陳王鬪雞道安仁採樵路東郊豈異昔聊可閒余步

野徑既盤紆荒阡亦交互
槿籬疎復密荆扉新且故
樹頂鳴風颭草根積霜露
驚麝去不息征鳥時相顧
茅棟嘯愁鴟平岡走寒兔
夕陽帶層阜長烟引輕素
飛光忽我逝豈止歲云暮
若蒙西山藥頽齡猶能度
起句切東字殊能典雅向後寫景一氣直下蕭瑟蒼涼游味其中愈入愈悲景中有情知物化之非常感聞人之成世西山乞藥此懷難遣命意既臻古風選語亦無近響用希康樂無患絕塵矣蓋取致漢魏乃及康樂也文選登沈詩當以此爲第一

奉賀竟陵王郡縣名

西都富軒冕南宮溢才彥
高闕連朱雉方渠漸游殿
廣川肆河濟長岑統嶠汧
曲梁濟危瀆平皋騁悠眎

清淵皎澄徹曾山鬱葱蒨陽泉濯春藻陰丘聚寒霰
西華不可畱東光促奔箭望都遊子懷臨戎征馬倦
旣豫平章集復齒南皮宴一窺長安城羞言杜陵掾
灑然言懷曾無填綴之
迹用西華東光更雋巧

三月三日率爾成章

麗日屬元巳年芳具在斯開花已市樹流嚶復滿枝
洛陽繁華子長安輕薄兒東出千金堰西臨雁鶩陂
遊絲映空轉高楊拂地垂綠情文照耀紫燕光陸離
清晨戲伊水薄暮宿蘭池象筵鳴寶瑟金瓶泛羽卮
寧憶春蠶起日暮桑欲萎長袂屢已拂彫胡方自炊

愛而不可見宿昔減容儀且當忘情去歎息獨何爲

蕩子繁華空閨寂寞此情難序此怨何極

應王中丞思遠詠月

月華臨靜夜夜靜滅氛埃方暉竟戶入圓影隙中來

高樓切思婦西園遊上才網軒映珠

一作朱

綴應門照

綠苔洞房殊未曉清光信悠哉

方暉二句故作鼎然自極寫末四句更使

人悠然詩固能感人若是

詠湖中雁

白水滿春塘旅雁每迴翔
唼流牽弱藻斂翮帶餘霜
羣浮動輕浪單汎逐孤光
懸飛竟不下亂起未成行

刷羽同搖漾一舉還故鄉

寫物寫其生動羣浮二句兼湖並出神至之筆

冬節後至丞相第詣世子車中作

廉公失權勢門館有虛盈貴賤猶如此況乃曲池平

高車塵未滅珠履故餘聲賓階綠錢滿客位紫苔生

誰當九原上鬱鬱望佳城

千古至慨發抒具盡休文長在盡情短亦因之更無

含蘊

奉和竟陵王經劉歊墓

表閭欽逸軌軾墓禮真魂化塗終眇默神理曖猶存

塵經

一作駕

未輟幌高衡已委門日燕子雲舍徒望董

生園華陰無遺布楚席有靈樽元泉倘能慰長夜且

勿論

哀憐得體

悼亡

去秋三五月今夜還照梁

一作房

今春蘭蕙草來春復

吐芳悲哉人道異一謝永銷亡簾屏既毀撤帷席更

施張游塵掩虛座孤帳覆空牀萬事無不盡徒令存

者傷

起四句稍以沓拖成弱休文所患惟是弱耳後段警切結意更能曲至切切古音

侍遊方山應詔

清漢夜昭晷扶桑曉陸離發歌縱陽下建羽朝夕池

攬金浮水若聳蹕韶山祇一霑九霄露藜藿終自知

述遊壯闊引分真至其壯闊也數語具有賦心其真至也一感自無奢望

泛永康江

長枝萌紫葉清源泛綠苔山光浮水至春色犯寒來
臨睨信永矣望美暖悠哉寄言幽閨妾羅袖勿空裁
詠景詠光與色神遇空際目接實觀言傳畢
形捕虛得踪繪微極徹徑庭浮調霄壤滯筆

別范安成

生平少年日分手易前期及爾同衰暮非復別離時
勿言一樽酒明日難重持夢中不識路何以慰相思
其情宛是十九首遠超潘陸之上何論顏鮑其調則
稍以平近微遜漢魏非復句聲不振夢中句意太尖
然有此佳致卽復何必似漢魏神似可耳

效古

可憐桂樹枝單雄憶故雌歲暮異栖宿春至猶別離
山河隔長路路遠絕容儀豈云無可匹寸心終不移
情古

春思

楊柳亂如絲綺羅不自持春草黃復綠客心傷此時
青苔已結消碧水復盈淇日華照趙瑟風色動燕姬
襟前萬行淚故是一相思
何其輕盈風色動燕姬句不警併去此聯

秋夜

月落宵向分紫煙鬱氛氲暄螢入霧離離雁度雲
巴童暗理瑟漢女夜縫裙新知樂如是久要詎相聞

簷前竹

萌開繹已垂結葉始成枝繁蔭上蒼茸

一作鬱鬱

促節下

離離風動露滴瀝月照影參差得生君戶牖不願夾

華池

休文詠物唯取意致不矜工巧中四句致也結二句意也致貴渾意貴遠

翫庭柳

輕陰拂建章夾道連未央因風結復解霑露榮且長

楚妃思欲絕班女淚成行遊人未應去爲此還故鄉

三四率然爾末始尖新也然一柔字體味物理甚密故知雖寫景亦須理非是則柳與露不相關結句言

情大能深曲

領邊繡

纖手掣新奇刺作可憐儀
縈絲飛鳳子結縷坐花兒
不聲如動吹無風自裏枝
麗色儻未歇聊承雲鬢垂
俳體自應一輕至此故作
拙態如兒女喁喁愁語也

懷舊詩五首

懷舊九首本擬顏光祿光祿筆調
堅蒼更饒古致休文率易收不足

備錄就選五章
亦各低徊盡情

傷謝朓

吏部信才傑文峯振奇響
調與金石諧思逐風雲上
豈言陵霜質忽隨人事往
尺璧爾何冤一旦同丘壤
三四頗能貌宣城之詩調諧言其工穩
思上言其遭拔也結亦哀是五君詠體

傷王湛

長史體閒任坦蕩無外求持身非詭遇應物有虛舟
心從朋好盡形爲歡宴畱懽宴未終畢零落委山丘
遂縮歡宴字下局
圓調促恰焉傷懷

傷李珣之

少府懷貞節忘軀濟所奉吏道勤不息繁文長自擁
旣闕優孟歌身沒誰爲寵
諱不溢情不淺做類
何必八句此意超超

傷劉渢

藝文
作佩

處和無近累天然有勝質蕭瑟負高情耿介懷秋實
義貴良爲重蘭摧非所恤一罷平生言寧知攜手日

真情
淒溢

傷胡諧之

豫州懷風範綽然標雅度處約志不渝接廣情無忤
頡頏事刀筆紛綸遞朱素美志同山阿浮年迫朝露
情總不浮

詠箏

秦箏吐絕調玉柱揚清曲絃依高張斷聲隨妙指續
徒聞音繞梁寧知顏如玉
故有所寄人固不能知公詩

侍宴詠反舌

假容不足觀遺音猶可薦幸蒙喬樹恩得以聞高殿

寒松

梢聳振寒聲青葱標暮色疎葉望嶺齊喬榦臨雲直

齊字直
字生動

詠孤桐

龍門百尺時

一作峙

排雲少孤立分根蔭玉池欲侍高

鸞集

凌有寄託得
詠物之法

詠梧桐

秋還遽已落春曉猶未萸微葉雖可賤一剪或成珪

園橘

綠葉迎露滋朱苞待霜潤但令入玉枰金衣非所恡

詠梨應詔

大谷來旣重岷山道又難摧折非所恡但令入玉盤

詠鹿葱

野馬不任騎兔絲不任織旣非中野花無堪麝麝食

詠菰

結根布洲渚垂葉滿皋澤匹彼露葵葵可以畱上客

詠物寄意並淺然尚有寄意處

早行逢故人車中爲贈

殘朱猶曖曖餘粉尚霏霏昨宵何處宿今晨拂露歸

爲鄰人有懷不至

影逐斜月來香隨遠風入言是定知非欲笑翻成泣

哀怨如此郊島
冥搜或能得之

石塘瀨聽猿

噉噉夜猿鳴溶溶晨霧合不知聲遠近惟見山重沓
既歡東嶺唱復佇西巖答

其聲噉噉響於指上
卽此已足無嫌缺文

六憶詩四章

憶來時灼灼上堦墀勤勤敘別離慊慊道相思相看
常不足相見乃忘饑

憶坐時點點羅帳前或歌四五曲或弄兩三弦笑時
應無比嗔時更可憐

憶食時臨盤動容色欲坐復羞坐欲食復羞食含哺

如不饑攀甌似無力

憶眠時人眠彊未眠解羅不待勸就枕更須牽復恐

傷人見嬌羞在燭前

極惺率長慶不遠矣然形容曲盡且各有致俳體有致何可責

以聲調此亦風氣所流不自知其近詩餘也

八詠詩八首

金華誌曰八詠詩南齊隆昌元年太守沈約所作題於玄暢樓時號

絕倡後人因更元暢樓爲八詠樓云○別爲詠體非賦非詩振岩淋漓激昂奔放襟懷若此

前無古人○按外之感今古同悲讀東陽八詠使一麾出守者何以自遣

登臺望秋月

望秋月秋月光如練照耀三爵臺徘徊九華殿九華
玳瑁梁華榱與璧瑤以茲雕麗色持照明月光凝華

入黼帳清輝懸洞房先過飛燕戶却映班姬牀桂宮
裊裊落桂枝早寒淒淒凝白露上林晚葉颯颯鳴雁
門早鴻離離度湛秀質今似規委清光今如素照愁
軒之蓬髮影金堦之輕一作微步居人臨此笑以歌別

客對之傷且慕經哀圃映寒叢凝清夜帶秋風隨庭
雪以偕素與池荷而共紅臨玉堦之皎皎含霜靄之
濛濛輔天衢而徙度轢長漢而飛空隱巖崖而半出
隔帷幌而纔通散朱庭之奕奕入青瑣而玲瓏寒階
悲寡鶴沙洲怨別鴻文姬泣胡殿昭君思漢宮余亦
何爲者淹畱此山東鋪張明月之華腰結怨山城之
寂寞通篇不出此旨特於結語

言懷又置此身於寡鵠別鴻
之班同悲共感使情彌深

會圃臨春風

臨春風春風起春樹游絲暖如網

一作烟

落花紛似霧

先泛天淵池還過細柳枝蝶逢飛搖颺燕值羽差池
揚桂旆動芝蓋開燕裾吹趙帶趙帶飛參差燕裾合
且離迴簪復轉黛顧步惜容儀容儀已照灼春風復
迴薄氛氲桃李花青跗含素萼旣爲風所開復爲風
所落搖綠蒂抗紫莖舞春雪襍流鶯曲房開兮金鋪
響金鋪響兮妾思驚梧臺未陰淇川始碧迎行雨於
高唐送歸鴻於碣石經洞房響紉素感幽閨思惟弃

想芳園兮可以遊念蘭麝兮漸堪摘拂明鏡之冬塵
解羅衣之秋襪既鏗鏘以動佩又綢繆而流射始搖
蕩以入閨終徘徊而緣隙鳴珠簾於繡戶散芳塵於
綺席是時悵思歸安能久行役佳人不在茲春風誰
爲惜

寫風備極飄蕭氛
氲四句樂府高倡

歲暮愍衰草

愍衰草衰草無容色憔悴荒逕中寒荻不可識昔昔
今春日昔日兮春風銜花兮佩實垂綠兮散紅氛氲
鳩鵲右照曜望仙東送歸顧慕泣淇水嘉客淹留懷
上宮巖陬兮海岸冰多兮霰積爛熳兮客

一作
根攢

幽兮寓

一作石

隙布綿密於寒皋吐纖疎於危石旣惆

悵於君子倍傷心於行役露縞枝於初旦霜紅天於

始夕彫芳卉之九衢賈靈茅之三脊風急嶠道難秋

至客衣單旣傷簷下菊復悲池上蘭飄落逐颿盡方

知歲早寒流螢暗明燭雁聲斷纔續委絕長信宮蕪

穢丹墀曲霜奪莖上紫風銷葉中綠山變兮青薇水

折兮黃葦秋鴻兮疎引寒鳥兮聚飛徑荒寒草含桐

長舊巖園

一作草長
荒徑微

園庭漸蕪沒霜露日霑衣願逐

晨征鳥薄暮共西歸

狀草紛芸蕭蓼所謂景中
有情思歸之懷不言已喻

霜來悲落桐

悲落桐落桐早霜露燕至葉未抽鴻來枝已素本出
龍門山長枝仰刺天上峯百丈絕下趾萬尋懸幽根
未蟠結孤株復危絕初不照光景終年負霜雪自顧
無羽儀不願生曲池芬芳本自乏華實無所施公子
特畱盼王孫少見知分取孤生杙徙置北堂陞宿莖
抽晚榦新葉生故枝故枝雖遼遠新葉頗離離春風
一朝至榮華坐如斯自惟良菲薄君恩徒照灼顧已
非嘉樹空用憑阿閣願作清廟琴爲君舞玄鶴薜荔
可爲裳文杏堪作梁勿言草木賤徒照君末光末光
不徒照爲君含噉咷

一作
齊齋

陽柯淥水絃陰枝苦寒調

厚德非所任敢不虛其心若逢陽春至吐綠照清潯

此篇屬比獨切抑
揚迴合更饒古情

夕行聞夜鶴

聞夜鶴夜鶴叫南池對此孤明月臨風振羽儀伊吾
人之菲薄無賦命之天爵抱跼促之短懷隨冬春而
哀樂愍海上之驚鳧傷雲間之離鶴離鶴昔未離迴
發天北垂忽遇疾風起暫下昆明池復畏冬冰合水
宿非所宜欲棲不可住欲去飛已疲勢逐疾風舉求
溫向衡楚復值南飛鴻參差共成侶海上多雲霧蒼
茫失洲嶼自此別故羣獨向瀟湘渚故羣不離散相

依江海畔夜止羽相切晝飛影相亂刷羽共浮沈湛
澹泛清潯旣不經離別安知慕侶心九冬負霜雪六
翮飛不任且養凌雲翅俛仰弄清音所望浮丘子旦
夕來相尋

悽悽惻惻比
體能極警切

晨征聽曉鴻

聽曉鴻曉鴻度將旦跨弱水之微瀾發成山之遠岸
休春歸之未幾傷此歲之云半出海漲之蒼茫入雲
途之瀰漫無東西之可辨孰遐邇之能算微昔見於
洲渚赴秋期於江漢集勁風於弱軀負重雪於輕翰
寒溪可以飲荒皋可以竄溪水徒自清微客豈足翫

秋蓬飛兮未極塞草寒兮無色吳山高兮高難度越

水深兮深不可測羨明月之馳光顧征禽之駛翼伊

余馬之屢懷知君

一作吾

行之未極

一作息

夜綿綿而難

曉愁參差而盈臆望山川悉無似唯星河猶可識孤

雁夜南飛客淚夜沾衣春鴻旦暮返客子方未歸歲

去歡娛盡年來容貌衰

一作非

攬衽形雖是撫臆事多

違青綯

一作蒲

雖長復易解白雲誠遠詎難依

翻於不寫征鴻

處虛神動宕慨然情深於此可得言情詠物之法三百篇典意也望山川悉無似唯星河猶可識詩中賦中皆無此語所謂句或不琢字或不謀此類是也

解佩去朝市

去朝市朝市深

一作晨

歸暮辭北纓而南徂浮東川而

顧顧逢天地之降祥值日月之重光伊吾行之未已

非余情之信芳充待詔於金馬奉高宴於栢梁觀闕

獸於虎圈望窈窕於披香遊西園兮登銅雀攀青瑣

兮眺重陽講金華兮議宣室畫武帳兮夕文昌佩甘

泉兮履五柞簪枌栢兮黻承光託後車兮侍華幄游

渤海兮泛清漳天道有盈缺寒暑遞炎涼一朝賣玉

碗眷眷惜餘香曲池無復處桂枝亦銷亡清廟徒肅

肅西陵久茫茫薄暮余多幸嘉運重來昌忝稽郡之

南尉典千里之光貴別比芒於濁河戀橫橋於清渭

望前軒之早桐對南階之初卉唯余情之屢傷豈茲
焉之能慰眷昔日兮懷哉歲將暮兮歸去來此休文
在齊代
之時直述排
怨顧無所嫌

被褐守山東

守山東山東萬嶺鬱青葱兩溪共一瀉水潔壘如空
岍側青莎被巖間丹桂叢上瞻旣隱軫下睇亦溟濛
遠林響咆獸近樹聒鳴蟲路出一作帶若溪右澗一作泉
吐金華東萬仞削石百丈注懸淙一作淙掣曳瀉流
電奔飛似白虹洞井含清氣漏穴吐飛風玉竇膏滴
瀝石乳室空籠峭嶠塗彌險巖岵步纔通余捨平生

之所愛歟暮年之此逢欲一去而不還悵鄒衣之未
褫揖林壑之清曠事氓俗之紛詭幸帝德之方升值
天綱之未毀旣除舊而就新故化民而俗徙播趙俗
以南徂扇齊風以東靡乳雉方可馴流蝗庶能弭清
心矯世濁儉政救民侈秩滿撫白雲淹畱事芝髓亦是
直述但入梁人固不嫌未知當日何可使齊庭聞之
也前段寫景物特爲蕭森如此妙境乃不足畱連而
悵悵于暮年之此逢也康樂山遊亦
時逗此旨故知富貴之于人重矣哉